



BENEVOLO LECTORI.

HÆc est tertia Pharmacopœæ nostræ facies, quam necessitas extorsit. Cum ultimæ Editionis nulla amplius extarent exemplaria, nos ad aliam evulgandam accingere coacti fuimus. Quapropter hanc damus non novam, sed ultimam hinc inde emendatam, & commodiori typo recusam, eundem ubique ordinem secuti. Multa tamen studio omisimus quæ nullo modo vel raro in praxi erant ne nimium Pharmacopœorum officinæ expensis inutilibus gravarentur, multa autem quæ in usu quotidiano erant, & quæ in alterâ desiderabantur adjecimus, ut ubique uniformitas tam necessaria in dispensandis remediis hac in urbe conservaretur; quod

AD LECTOREM.

quod & non leve hujus Editionis
argumentum fuit. Paucis instru-
cta remediis officina satisfacere
potest, cum nullus Medicorum sit
in praxi versatus (si plura desi-
deret) quin ex tempore & ad libi-
tum quascumque Compositiones
concinnare possit. Si quibus autem
tyronibus ea nimis jejuna esse
videatur, discant nos tantum dis-
pensatorium proponere, & discant
sub Magistris in arte peritis la-
borare; si quid prolixius volue-
rint adeant Autores gravissimos
qui eâ de re ex professo scripse-
runt quos consulere poterunt. Nos
contenti fuimus regulam seu nor-
mam ponere secundum quam offi-
cinæ nostræ hac in urbe semper
instructæ esse debent. Interim be-
nevole Lector si quæ mendæ ir-
repperint quas evitare non est fa-
cile, eas ut benignè corrigere velis
precamur. Vale & fruiere.

J. M.

CARA-